

ماركة أنا لذيذ

تمثيلك بالصوت
لزوم جذب الانتباه
والبحّة
إثارة الخيال
تكلمها برفق
وتكلمه بجِدّة

وبإشارة العين
تتغير الكاميرات
وتبص للكاميرا بابتسامة الحياة
تبينَّ شعر صدرك
وتلبس إكسسوارت ع الموضة
تحشر كلمات الحب والبكا
والرومانسية في الحركة الانسيابية
والجدية في النصيح.
وأعمال الخير اللي بتكلفك بيها
شركة إعلانية.
تشتري أغلى العطور
عشان تداري ريحة الخوف
الي مالية قلبك.

والكلام عن إجهادك
في التحضير
بتغفل مجهود ناس ثانية.
إنت كده over
خلي بالك
جمالك في البساطة
حافظ عليها
وتعالى ورايا.
إتكلم من جواك
عشان نعرف نقضي وقت مع بعض.
مش كل الناس تعرفها
لزوم المصلحة.
ومش لازم تقول: أنا ليّأ أصحاب دماغ
وطول الوقت تكلمني عن ماركات الساعات.

عاوز الصراحة!

أنا شايفك

كأنك طفل كل سنانه مخلوعة!